



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-312-4/21**
Datum: **14.09.2021. godine**

„Agencija za vodno područje rijeke Save“ Sarajevo rješavajući po zahtjevu Javnog preduzeća „Vodovod i kanalizacija“ d.o.o. Gračanica za donošenje rješenja o vodnoj dozvoli za zahvatanje vode iz prirodnih izvora „Vrela“ i „Ilidža“ u naselju Soko, a za potrebe snabdijevanja pitkom vodom potrošača na području Grada Gračanica, na osnovu člana 139. stav 1. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Javnom preduzeću „Vodovod i kanalizacija“ d.o.o. Gračanica za zahvatanje vode iz prirodnih izvora „Vrela“ i „Ilidža“ preko izgrađenih kaptaza na zemljištu označenom kao k.č. 2455/3, 2456 i 2346 K.O. Soko, grad Gračanica, a u svrhu snabdijevanja pitkom vodom potrošača na području Grada Gračanica.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom, izdatim vodnim aktima i Pravilnikom o održavanju, korištenju i osmatranju objekata vodovodnog sistema Gračanica.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.4. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 44/10) vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.7. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.8. Da se mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima.
 - 2.9. Da se stalno sprovode zaštitne mjere za izvorišta po Odluci o zonama sanitarne zaštite i zaštitnim mjerama za izvorište Vrela i Ilidža za snabdijevanje vodom za piće općine Gračanica, donesenoj od strane Općinskog vijeća Gračanica, broj: 01-05-00594-2011 od 28.02.2011. godine. Ova odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).

Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).

3. Korisnik objekata treba da u cilju kontrole, evidencije i plaćanja količina zahvaćene vode da vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 2 (dvije) godine od dana pravosnažnosti ovog rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće „Vodovod i kanalizacija“ d.o.o. Gračanica, obratilo se ovoj Agenciji, dana 12.07.2021. godine, sa zahtjevom za donošenje rješenja o vodnoj dozvoli za zahvatanje vode iz prirodnih izvora „Vrela“ i „Ilidža“, a u svrhu snabdijevanja pitkom vodom potrošača na području grada Gračanica.

U provedenom postupku dostavljena je i pregledana slijedeća dokumentacija:

- Aktuelni izvod iz sudskog registra, bez broja i datuma izdat od strane Općinskog suda u Tuzli,
- Ovjerena kopija Rješenja o izmjenama podataka o upisu subjekta u sudski registar, broj: 032-0-Reg-20-001367 izdatog dana 29.10.2020. godine od strane Općinskog suda u Tuzli,
- Ovjerena kopija Uvjerjenja o poreskoj registraciji i identifikacionom broju od 26.04.2016.godine, izdatog od strane Porezne uprave – Kantonalni ured Tuzla,
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-3069-2/16, izdatog dana 11.05.2016. od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti, broj: 07-32,5-11535/16 izdatog dana 25.04.2016. od strane Službe za statistiku za područje Tuzlanskog kantona,
- Kopija uplatnice upravne i administrativne takse,
- Kopija Rješenja o odobrenju za gradnju, broj: 03-2194/1, izdatog dana 15.03.1963. godine od strane nadležne službe opštine Gračanica,
- Kopija Rješenja o vodnoj dozvoli, broj: UP-I-25-3-40-313-4/16, izdatog dana 12.08.2016. godine od strane ove Agencije,
- Kopija Pravilnika o održavanju, korištenju i osmatranju objekta vodovodnog sistema Gračanica, broj: 02-31/11 od 18.05.2011. godine,

- Kopija Odluke o zonama sanitarne zaštite i zaštitnim mjerama za izvorišta Vrela i Ilidža za snabdijevanje vodom za piće općine Gračanica, broj predmeta: 01-05-00594-2011, broj akta: 01 EH-001, donešene 28.02.2011. od strane Općinskog vijeća Gračanica,
- Glavni projekat vodovoda za naselje Sokol, urađen avgusta 1971. godine od strane Vodoprivrednog preduzeća „Spreča“ Tuzla,
- Elaborat noveliranja i dopune sanitarne zaštite izvorišta vodovodnog sistema Gračanica, urađen januara 2016. godine od strane Zavoda za vodoprivredu d.d. Sarajevo.
- Izvještaji o uzorkovanju br. 2532-1/21, 2532-2/21, 2532-3/212, 532-4/21 urađeni od strane „Euro inspekt“ d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20), izvršen je obilazak predmetnog vodozahvata te je sačinjen zapisnik o izvršenom uviđaju broj: UP-I/25-3-40-312-3/21 od 08.09.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Prirodni izvori «Vrela» i «Ilidža» kaptirani su 1960. godine za potrebe snabdijevanja vodom potrošača na teritoriji općine Gračanica. Izvorišta se nalaze u naselju Soko na udaljenosti oko 6,0 km od centra grada.

Kaptiranje vrela izvršeno je klasičnim armiranobetonskim kaptažnim građevinama. U kaptažama se vrši automatsko hlorisanje vode natrijum hipohloritom.

Zahvaćene vode sa oba izvorišta se preko prekidne komore odvođe do rezervoara «Gaj» zapremine 1600 m³. Mjerenje količine zahvaćenih voda vrši se zbirno na izlaznom cjevovodu iz rezervoara prema potrošačima. Uža zaštitna zona oko izvorišta je propisno ograđena.

Redovno se vrši kontrola kvaliteta zahvaćene i isporučene vode od strane ovlaštene laboratorije.

Izvori «Vrelo» i «Ilidža» su kraškog karaktera sa velikim oscilacijama u kapacitetu. Zajednički kapacitet izvorišta se kreće od 18-33 l/s.

U toku topljenja snijega i pri velikim padavinama izvorišta «Vrelo» i «Ilidža» se mute i tada su van upotrebe. Ugrađena je oprema za kontinuirano mjerenje mutnoće sa automatskim zatvaranjem ventila u slučaju prekoračenja dozvoljenih vrijednosti.

Općina Gračanica je obezbijedila sredstva za izgradnju postrojenja za tretman vode za piće na oba vrela. U toku je tenderska procedura za odabir najpovoljnijeg ponuđača za izgradnju postrojenja. U sklopu postrojenja predviđena je i ugradnja automatskih mjerača protoka.

Za predmetno izvorište nije izvršeno usklađivanje Odluke o zonama sanitarne zaštite i zaštitnim mjerama za izvorišta Vrela i Ilidža, za snabdijevanje vodom za piće općine Gračanica, sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine Federacije BiH“, broj 88/12) što je bio uslov iz tačke 2.9 dispozitiva ranije izdatog Rješenja o vodnoj dozvoli.

Podnosilac zahtjeva uplatio je posebne troškovi prema Zaključku ove Agencije broj: UP-I/25-3-40-311-2/21 od 11.08.2021.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP „Vodovod i kanalizacija“ d.o.o. Gračanica, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Konstatuje se da je podnosilac zahtjeva JP „Vodovod i kanalizacija“ d.o.o. Gračanica, ispunio minimum uslova za izdavanje vodne dozvole za zahvat vode iz prirodnih izvora „Vrela“ i „Ilidža“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Gračanica, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

2a Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- JP „Vodovod i kanalizacija“ d.o.o. Gračanica
ul. Skver bb, 75320 Gračanica
- ⊖ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava